

林園月令


一

津田文庫

文庫 1

1697


1 *28*



10

15

20



柳灣先生纂輯

林園月令

金生堂發兌

早稻田大學
圖書館藏

林園月令序

文庫

早稻田大學

吾友柳灣子。自少至老。無日不
讀書。其書不涉覽。惟用易其
詩。故其詩作固非夷所思。又其文
於吏途也。候晴雨。占豐歉。詢農

林園月令

序

一

010190603089

圖。編前。亦又。遂。曲。農。家。之。學。
其。老。而。休。也。以。林。園。為。小。國。以。好。
僕。為。寬。民。以。平。生。以。自。得。證。
以。經。史。百。氏。之。書。名。曰。林。園。月。
令。時。經。月。目。貫。以。八。首。二。十。四。

彙。七。十。二。條。察。以。典。故。事。務。
孝。木。之。欣。悴。嘉。蟲。之。飛。伏。
條。陳。件。別。終。之。以。德。應。藻。者。狂。
乞。昌。初。之。志。也。書。成。屬。余。曰。
此。我。小。國。宣。戎。之。書。也。如。賢。

士大夫屈蟠菁卷於胸中
者何用是為私品。至使跖與
之士。製錦之夫。執以迎二儀
之洪鈞。助詩人之興咏者。豈
吾輩之游勞焉。子生為序

之。余受讀終業。作而曰。古今
時令之書。十數種。皆複刻
者。易迷津。渥美哉。是書簡
而不漏。博而無禱。信乎其採
擇之精也。曰為禱。古堯之德

準天。問其實際則曰。豈天授時。
孔子之集大成也。問其數。則曰。
曰。興於詩。然則製錦之夫。可
賴以迎。二儀之儀。則。孫。學。之
士。可。執。心。助。詩。人。之。興。象。固。也。
試問。賢士大夫。在。蟠。美。卷。
於。曾。中。者。果。以。為。最。品。而。斥
之。乎。如。是。則。其。為。小。國。宣。民
之。書。者。殆。出。於。柳。濤。之。道。強
云。尔。

天保辛卯花朝

益城 松崎 復撰

江戸 永根尖孫書

林園月令目錄

卷一

春

正月

二月

卷二

三月

附 鶯 燕 蝶 蜂

林園月令

目錄

一

蛙

卷三

夏

四月

五月

卷四

六月

附 杜鵑 蟬 螢

卷五

秋

七月

卷六

八月

九月 附 鴈 鴻 蟋 蟀 絡 緯 金 鐘 兒

紡績娘

林園月令

目錄

二

卷七

冬霧凇雪霰冰木冰

十月

卷八

十一月

十二月

附鴛鴦鷓鴣鳧鴨

林園月令卷一

新鴻館機樞卿纂輯

福山伊澤信厚朴父叅枝

春

禮記鄉飲酒義東方者春春之為言蠢也產萬物者聖也注蠢動生之貌疏東方產育萬物故為春為聖爾雅春為

林園月令

卷一 春

蒼天。春為青陽。春為發生。尚書

緯。春為東皇。又為青帝。梁元帝纂要

春曰陽春。青春芳春。三春九春。風曰陽

風。東風暄風。柔風惠風。和風谷風景。曰

美景淑景。韶景麗景。媚景華景。時曰良

時嘉時芳時辰。曰良辰嘉辰芳辰節。曰

華節芳節嘉節良節韶節淑節草。曰弱

草芳草芳卉木。曰華木華樹芳樹陽樹

林。曰茂林芳林鳥。曰陽鳥時鳥候鳥陽

禽時禽好鳥好禽。占候朝野僉載。俚

語云。春雨甲子赤地千里。田家五行

春甲子雷。五穀豐登。春風多。秋雨必

多。諺云。一場春風對一場秋雨。諺云

春風踏脚報言易。轉方如人傳報不停。

脚也一云既吹一日南風必還一日北風報答也二說俱應月令廣義梅實少則穠亦少諺云樹無梅手無杯樹藝汜勝之書栽樹正月為上時二月為中時三月為下時然棗雞口槐兔目桑蝦蟇眼榆負瘤散其餘木鼠耳雀翅各其時凡種栽并插皆用此等形象本

草春月移栽各樹宜上半月前則茂而結實移栽松柏槐柳桑柘橙橘各色樹皆可月令廣義催花以馬糞調水澆則花早開三四日收採本草凡採根物以春月採者謂春初津潤始萌未衝枝葉勢力淳濃也

彙考詩小雅春日遲遲卉木萋萋倉庚

嗜嗜采繁祁祁

書堯典平秩東作

老子衆人熙熙如登春臺

莊子春雨

日時草木怒生銚鐸于是乎始

列子

宋國有田夫常衣赭緼以過冬暨春東

作自暴於日不知天下有廣廈隩室綿

續旅貉顧其妻曰負日之暄人莫知者

以獻吾君將有賞

淮南子春風至則

甘雨降生育萬物草木榮華

漢書文

帝紀元年三月詔曰方春和時草木羣

生之物皆有以自樂世說戴仲若春

日携雙柑斗酒人問何之荅曰往聽黃

鸝聲此俗耳針砭詩腸鼓吹曲江春

宴錄虞松方春謂握月擔風且留後日

吞花卧酒不可過時

玉塵集穆宗宮

中花開以重頂帳蒙蔽置惜春御史號
曰括春 開元天寶遺事學士許慎選
放曠不拘小節多與親友結宴于花園
中未嘗具帷幄設坐具使童僕輩聚落
花鋪于坐下曰吾自有花裯何消坐具
長安士女遊春野步遇名花則設席
藉草以紅裙遮相插挂以爲宴幄 長

安士女春時鬪花戴插以奇花多者爲
勝皆用千金市名花植于庭苑中以備
春時之鬪也 寧王春時于後園中紉
紅絲爲繩密綴金鈴繫于花梢之上每
有烏鵲翔集則令園吏掣鈴索以驚之
蓋惜花之故也 司空圖詩品玉壺買
春賞雨茆屋 歲時雜記一月二氣六

候自，小寒至，穀雨，四月八氣二十四候，每候五日，以一花之風信應之。小寒一候，梅花二候，山茶三候，水仙大寒一候，瑞香二候，蘭花三候，山礬立春，一候，迎春二候，櫻桃三候，望春雨水，一候，菜花二候，杏花三候，李花驚蟄，一候，桃花二候，棠梨三候，薔薇春分，一候，海棠二候。

梨花三候，木蘭清明，一候，桐花二候，麥花三候，柳花穀雨，一候，牡丹二候，酴醿三候，棟花棟花竟，則立夏。東皋雜錄。花信風，梅花風，寒先，棟花風，寒後，凡廿四番，以為寒絕。徐師川詩云：一百五日寒食雨，二十四番花信風。又古詩云：早禾秧，雨新晴，後苦棟花風吹日長。初

學記春晴日出而風曰光風
遊齋閑
覽河朔春時疾風數日一作二三日方
止名曰吹花擘柳風草木百穀皆藉之
清閑供春時晨起點梅花湯課奚奴
灑掃護階苔取薔薇露浣手薰玉蕤香
讀古赤文綠字書晌午採筍蕨供胡麻
汲泉試新茗午後乘款段馬執翦水鞭

携斗酒雙柑往聽黃鸝日晡坐柳風前
裂五色綵集錦囊佳句薄暮遶徑灌花
花史宗測春遊山谷間見奇花異草
則繫於帶上帛而圖其形狀名聚芳圖
百花帶人多效之長編刁約作藏春
塢日遊其中事物原始紙爲古傳韓
信所作按六帖云五代漢李業與隱帝

為紙鳶，於宮門外放之。今春時小兒紙
鷓是也。月令廣義：紙鳶，今人巧製不
一，其上可懸燈，又以竹為弦，吹之有聲
如箏，烏故為風箏也。歲正二月俗竟放
之，清明後風不升乃止。春圃祀花姑，
注花木錄：魏夫人弟子善種花，踰花姑。
西湖志：杭州壽安坊俗稱官巷，宋時
謂之花市，亦曰花園。蓋汴京壽安山下
多花園，春時賞宴爭華，竟後錦簇繡圍，
移都後以花市比之，故稱壽安坊。今兩
岸多賣花之家，亦其遺俗也。

麗藻五言律詩

春日山莊

唐韋述

初歲開韶月，田家喜載陽。晚晴搖水態，

遲景蕩山光，浦淨漁舟遠。
花飛樵路香，自然成野趣。
都使俗情忘。

春山月夜

于良史

春山多勝事，賞翫夜忘歸。
掬水月在手，弄花香滿衣。
興來無遠近，欲去惜芳菲。
南望鳴鐘處，樓臺深翠微。

春遊

宋真山民

春光潑眼明，占勝得新亭。
棠醉風扶起，柳眠鶯喚醒。
冰無杯泛綠，安得鬢皆青。
且事日為樂，歌聲莫輒停。

春日

元葉顥

曉洞雲歸溼，青山草木新。
夭桃含宿雨，嫩柳裊輕塵。
蝶翅寒猶怯，蜂衙晚漸陳。
香風簇羅綺，已有蹋青人。

七言律詩

錢塘湖春行

唐白居易

孤山寺北賈亭西，水面初平雲腳低。
幾處早鶯爭暖樹，誰家新燕啄新泥。
亂花漸欲迷人眼，淺草纔能沒馬蹄。
東行不足西行遠，不似楊陰裏白沙堤。

春日

方干

年去年來似有期，日高添睡是春時。
雖將細雨催蘆筍，却用東風染柳絲。
重霧已應吞海色，輕霜何事挫花枝。
此時野客因花醉，醉卧花間應不知。
雨霽春色粲然喜，而有賦

宋陸游

應接年光日漸慵，猶能一飲百花空。
半

露蝶粉，簾櫳雨遠，送鶯聲，巷陌風千縷。
麴塵楊柳綠，萬枝猩血，海棠紅，從來造物陶甄手，却在閒人詩句中。

春日雜興

方岳

高下雲藏野老家，縱橫水漱竹籬斜。
勒將春去許多，雨流出山來，都是花白首。
風煙三徑草清時，鼓吹一池蛙，身閒不耐閒，雙手洗甌炊香，夜作茶。

五言絕句

春雨後

唐孟郊

昨夜一霎雨，天意蘇羣物。
何物窳先知，虛庭草爭出。

春日戲題

權德輿

隨風柳絮輕，映日杏花明。
無奈花深處

流鶯三數聲

長安早春

許渾

雲月有歸處，故山清洛南。秦城一花落，

春夢滿江潭。

春雨

宋陸游

湖上新春柳，搖搖欲喚人。多情今夜雨，
先洗馬蹄塵。

七言絕句

春郊

唐錢起

水透冰渠漸有聲，氣融煙霧晚來明。東
風好作陽和使，逢草逢花報發生。

南園

李賀

花枝草蔓眼中開，小白長紅越女腮。可
憐日暮嫣香落，嫁與春風不用媒。

春日題城南韋曲 羅鄴

韋曲城南錦繡堆，千金不惜買花栽。
誰知豪貴多羈束，落盡春紅不見來。

春晝偶書

宋冠準

白晝偶成芳草，夢起來幽興有新詩。
風簾不動黃鸝語，坐見庭花日影移。

春日

秦觀

黃金蕞蕞滿垂楊，尚有春寒到畫堂。
酒力漸消歌扇怯，入簾飛雪帶梅香。

春日村居

崔鷄

春草門前已沒靴，更無人過野人家。
離離細竹時聞雨，淡淡疎簾不隔花。

梁園春

金元好問

暖入金溝細浪添，津橋楊柳綠纖纖。
賣

花聲動天街遠幾處春風揭繡簾

西湖春日

元馬臻

要囑園丁取折枝紅桃白李紫蔷薇石
函橋畔人煙晚桃得春光一擔歸

春日幽居

淺淺春風尚帶寒日斜香篆半燒殘杏
花一樹開如錦怕觸啼鶯不倚闌

山居吟

釋石屋

滿山筍蕨滿園茶一樹紅花間白花大
抵四時春窠好就中尤好是山家

○正月

禮記月令孟春之月日在營室昏參中
旦尾中註日月會於娵訾而斗建寅之
辰也其帝大皞其神句芒律中大

族 東風解凍蟄蟲始振魚上冰 是
月也天氣下降地氣上騰天地和同草
木萌動 爾雅正月為陬注離騷云攝
提貞於孟陬 梁元帝纂要正月孟春
亦曰孟陽孟陬上春初春開春發春獻
春首春首歲初歲開歲發歲獻歲肇歲
芳歲華歲 玉燭寶典正月為端月

梁昭明太子錦帶書北斗周天送玄冥
之故節東風拂地啓青陽之芳辰梅花
舒兩歲之裝柏葉汎三光之酒 賞心
樂事正月玉照堂賞梅叢奎閣賞山茶
湖山尋梅攬月橋看新柳 羣芳譜花
月令是月也迎春生櫻桃胎望春盈眸
蘭蕙芳李能白杏花飾其靨 瓶史月

表正月花盟主梅花寶珠茶花客卿山
茶錢幹海棠花使令瑞香報春木瓜
翁長祚花曆正月梅占百花魁迎春放
優鉢曇香蘭臭瑞香烈花鏡花曆新
裁正月辰御向芒木道升於初震歲推
更始履端造於獻春繫七十二候之初
二十四番之首是月也魚負冰候雁北

甌蘭芳瑞香烈櫻桃將葩楊柳欲蕙望
春先放百卉發萌萬花時育正園主人
所當著意之秋也張潮花鳥春秋春
王正月梅放其英於幹與百卉爭先遂
奪其魁蕙蘭至自幽谷鴻雁復歸於北
月季放其花自正月至於冬月王士
禎水月令正月立春後風動泉涌山中

積水挾冰而下，河乃暴漲，曰擠凌水。

占候占書：一日雞天晴，人安，國泰；二日

犬晴，主大熟；三日猪晴，主君安；四日羊

晴，主春暖，臣順；五日馬晴，明四望，無怨

氣；六日牛晴，明日月光，晴大熟；七日人

晴，明民安，君臣和；八日穀夜晴，五穀熟

所值之日，晴暖則安泰蕃息，三日得

甲為上歲，四日中歲，五日下歲，月內有

甲寅米賤，田家五行十六日謂之落

燈，夜晴主旱，二十日謂之秋收日，晴

主秋成，臞仙神隱，立春，天陰，無風，民

安，蠶麥十倍，東風吉，人民安，果穀盛

博雅：正月不溫，七月不涼，月令廣義

古諺：正月見三白，田公笑，嚇嚇又云若

要麥見三白謂正月三番雪也 河防

一覽立春之後東風解凍河邊人候水

初至凡一寸則夏秋當至一尺頗有信

驗謂之信水 下種松子杏子胡桃枳

殼橙橘豌豆芋 分栽木蘭金雀兒

移植松榆栢槐楊柳山茶瑞香迎春牡

丹桃梅李杏棣棠梔子紫薇錦帶玫瑰

櫻桃 杆捕長春薔薇錦帶梔子蒲桃

紫薇迎春石榴楊柳菊珍珠佩佛見笑

貼接蠟梅瑞香海棠黃薔薇梅梨繡

球柿桃寶相月季茶蘼木樨橙橘棗

壓條杜鵑山茶木樨棗 培壅石榴梨

海棠棗林檎櫻桃柿栗 澆灌牡丹芍

藥瑞香杏梅桃李梨茉莉葵 整頓紉

花架理蔬畦蓋草墻垣修池塘岸燒荒
草糞田畝修花圃理籬塹

脩樹諸果

樹修去低小亂枝勿分木力則結子肥

大**稼樹**元旦五鼓以斧斫諸果樹則

結子而不落辰日亦可正月一日或

十五日以磚石著李樹岐中令實繁

驅蟲元旦雞鳴時以火照諸樹無蟲此

時蟲尚未出凡聚葉腐枝皆蟲所穴宜

去之禱事織蠶箔造麻鞋春米此月

上辰日塞鼠穴養魚經取鯉魚以立

春後上庚日放之則生子不相食四

時纂要立春日貯水謂之神水釀酒不

壞

彙考詩豳風三之日于耜疏三之日三

陽之月夏之正月也于耜往修田器也

夏小正初歲祭耒注祭始為耒之人

也柳稊注稊也者發莩也 大戴禮

孟春百草權輿 四民月令正月硯冰

釋命幼童入小學學篇章 陶淵明詩

序正月五日天氣澄和風物閑美與二

三鄰曲同遊斜川 槁簡贅筆正月十

六日古謂耗磨日飲酒如今之社日官

司不開倉庫 事文類聚江東俗號正

月二十日為天穿日以紅縷繫煎餅置

屋上謂補天漏 歲華紀麗正月二十

三日聖壽寺前蠶市張公詠始即寺為

會使民鬻農器 四時寶鑑高陽氏子

好衣敝食糜正月晦日巷死世人于是

日作糜棄破衣祝于巷曰除貧鬼

春禮記月令先立春三日太史謁之天

子曰某日立春盛德在木天子乃齋立

春之日天子親帥三公九卿諸侯大夫

以迎春於東郊鵝冠子斗柄指東天

下皆春易通卦驗立春條風至冰解

楊柳津歲時記立春日寫宜春二字

貼于門庭楣枋立春日以黃柑釀酒

謂之洞庭春色四時寶鑑立春日春

餅生菜踰春盤夢華錄立春日黎明

有司為壇以祭先農官吏各具彩仗擊

土牛者三以示勸農之意

雨水孝經

緯立春後十五日斗指寅為雨水

修類稿雨水正月中天一生水春始屬

木然生木者必水也

元日書正月上

日注上日朔日也

史記天官書四始

注謂正月旦歲之始時之始日之始月之始

漢五行志

正月朔日是為三朝

玉燭寶典正月一日為元日亦云正

朝亦云三元歲之元時之元月之元

四民月令梅花酒元日服之却老

舊

唐書長壽二年元日大雪上謂羣臣元

日雪百穀豐此語有何故實姚璿曰汜

勝之書雪是五穀精風土記元日食

五辛以煉形以助五臟荆楚歲時記

正月一日進椒柏酒飲椒湯進屠蘇酒

膠牙餈下五辛盤造桃版著戶謂之仙

木金門歲節元日食膠牙餈取膠固

之義 熙朝樂事正月朔日蒸柏枝於
柿餅以大橘承之謂之百事大吉 臘
仙神隱元旦天明祭農家所司六畜之
神以祈一年蕃息再取犁耙養豎之屬
祭以祈一年吉利 南部新書長安風
俗元旦以後遍作飲食相邀踴傳坐
人日 荆楚歲時記正月七日為人日以

七種菜為羹剪彩為人或鏤金箔為人
以貼屏風亦戴之頭鬢又造花勝以相
遺登高賦詩 金陵志壽陽公主入日
卧於含章殿簷下梅花落公主額上成
五出華拂之不去經二日洗之乃落宮
女效之今稱梅花粧 高適人日寄杜
二詩人日題詩寄草堂 上元太平御

覽史記樂書曰漢家祀太乙以昏時祠
到明今人正月望日夜遊觀燈是其遺
事 燈影記洛陽人家上元以影燈多
者為上又各家造芋郎君食之宜男女
荆楚歲時記正月望日作豆糜以祀
門戶先以柳枝插門隨枝所指以酒脯
飲食及豆粥插箸而祭 天寶遺事都

下上元日造麪蠶箔中置紙簽或削木
書官品人自採取以卜異日官品高下
續齊諧記正月半作白粥泛膏祀蠶
娘

麗藻五言律詩

早春

唐劉威

曉來庭戶外草色似依依
一夜東風起

萬山春色歸，冰消泉脈動。日暖露珠晞，
已醞看花酒。嬌鶯莫預飛。

立春

曹松

春日一杯酒，便吟春日詩。木梢寒未覺，
地脈暖先知。鳥嘯星沈後，山分雪薄時。
寧無剪花手，贈與冢芳枝。

歲旦

宋伯仁

居閒無賀客，早起但如常。桃版隨人換，
梅花隔歲香。春風回笑語，雲氣卜豐穰。
柏酒何勞勸，心康壽自長。

早春

元趙孟頫

谿上春無賴，清晨坐水亭。草芽隨意綠，
柳眼向人青。初日收濃霧，微波亂小星。
誰歌採蘋曲，愁絕不堪聽。

七言律詩

和汴州李相公勉人日喜春

唐 戴林倫

年來日日春光好，今日春光好更新。
獨獻菜羹憐應節，遍傳金勝喜逢人。
烟添柳色看猶淺，鳥踏梅花落已頻。
東閣此時間一曲，翻令和者不勝春。

立春

韋 莊

青帝東來日馭遲，暖煙輕逐曉風吹。
蜀袍公子樽前覺，錦帳佳人夢裏知。
雪圃乍開紅菜甲，彩幡新翦綠楊絲。
殷勤為作宜春曲，題向花牋貼繡楣。

立春日

宋 陸 游

日出風和宿醉醒，山家樂事滿餘齡。
年

豐臙雪經三白，地暖春郊已遍青。
菜細簇花宜薄餅，酒香浮蠟瀉長筍。
湖村好景吟難盡，乞與侯家作畫屏。

嬉春體

元楊維禎

今朝立春好天氣，況是太平朝野時。
走向南鄰覓酒伴，還從西墅買花枝。
陶令久辭彭澤縣，山公祇愛習家池。
宜春帖

子題贈爾日日春遊日日宜

西子湖頭春色濃，望湖樓下水連空。
柳條千樹僧眼碧，桃花一株人面紅。
天氣渾如曲江節，野人正是杜陵翁。
得錢沽酒勿復較，如此好懷與誰同。

五言絕句

灤西果園

唐杜甫

正月喧鶯未_レ_レ_レ_レ_レ_レ_レ辰放鷓_レ初雪籬梅可折
風樹柳微舒

早春

李中

一種和風至千花未散妍草心並柳眼
長是被恩光

七言絕句

城東早春

唐楊巨源

詩家清景在_レ新春綠柳纔黃半未_レ勻若
待_レ上林花似錦出門俱是看花人

正月七日立春

羅隱

一二三四五六七萬木生芽是今日遠
天歸鴈拂雲飛近水遊魚迸冰出

早春

來鵬

新曆才將半紙開小庭猶聚爆竿灰偏

惡楊柳難鈐鐫，又惹東風意緒來。

元日

成彥雄

戴星先捧祝堯觴，鏡裏堪驚兩鬢霜。好
是燈前偷失笑，屠蘇應不得先嘗。

次韻秦少游元日立春

宋蘇軾

省事天公厭兩回，新年春日併相催。殷

勤更下山陰雪，要與梅花作伴來。

探春

黃庶

雪裏猶能醉落梅，好營杯具待春來。東
風便試新刀尺，萬葉千花一手裁。

立春

方岳

絲燕雙簪翡翠翹，巧裁銀睇試春韶。東
風已到欄干北，看見嬌黃上柳條。

池痕吹皺綠粼粼才見池痕認得春香
沁綵鞭旗脚轉自題蘭帖記春新

早春

真山民

小桃枝上認年華隨分紅開一兩花將
謂春風只城市也吹春色到山家

早春

明陳繼儒

春風無力柳條斜新草微分一抹沙欲

向主人借鋤耨掃開殘雪種梅花

○二月

禮記月令仲春之月日在奎昏弧中且
建星中注日月會於降婁而斗建卯之
辰也律中夾鐘始雨水桃始華倉
庚鳴鷹化為鳩玄鳥至日夜分雷
乃發聲始電蟄蟲咸動啓戶始出爾

雅二月為如 梁元帝纂要是月曰仲

春亦曰仲陽 錦帶書節應佳辰時登

令月和風拂迴淑氣浮空走野馬於旄

源飛少女于李徑花明麗日光浮寶氏

之機鳥弄芳園韻響王喬之管 賞心

樂事二月現樂堂瑞香玉照堂西湘梅

南湖挑菜玉照堂東紅梅餐霞軒櫻桃

花杏花莊杏花綺互亭千葉茶花 羣

芳譜花月令是月也桃夭棟棠奮薔薇

登架海棠嬌梨花浴木蘭競秀 瓶史

月表二月花盟主西府海棠玉蘭緋桃

花客卿繡球杏花使令寶相花種田

紅朱桃李花月季花剪春羅 翁長祚

花曆二月桃夭李能白芸香木筆畫空

櫻桃首薦，杏燕曲江，玉蘭佩紫，荆繁黎
花溶溶，細草為茵，苔繡青錢。花鏡花
曆新哉。二月花明，麗日光浮，竇氏之機
鳥弄芳園，韻叶王喬之管，飄香隨筆，擔
風吞宿蝶之花，徙影流衣，握月卧聽鸚
之酒，是月也，玄鳥至，倉庚鳴，桃始夭，李
方白，玉蘭解，紫荆繁，梨花溶，杏花飴，其

屬正花之候也。張潮花鳥春秋 二月

菊遷其苗於畦，桃李棠杏楊柳會於園，
蜂王使眾蜂來侵入其郭，烏衣國使其
子弟遊於杏林。王士禎水月令 二月

陽氣上升，地脈潛行，春雨霽霽，溪澗滿
盈，滙之大河，波瀾驟驚，是時桃始華，曰桃
花水。占候 田家五行 朔日值驚蟄主

蝗值春分歲歟風雨主米貴 二日見
冰主旱 十夜以上雨水鄉人叫苦
十二日晴徹夜夜雨却不怕 十五日
為勸農日晴和主豐風雨主歟又為花
朝晴則百果實 月令廣義 二月雷不
鳴五穀不實 春雷始發其聲拍拍格
格歷歷者雄雷也旱氣也其聲音音依

依大不震者雌雷也水氣也 是月宜

連霜諺曰一夜春霜三日雨三夜春霜

九日晴 下種 稻種 黍 稷 菑 葱 夏蘿蔔

菠菜 芝麻 瓠 王瓜 丝瓜 冬瓜 西瓜 紫蘇

蒿苳 茄 芋 金錢 鳳仙 黃葵 曼陀子 雞冠

十樣錦 老少年 鴈來黃 麗春 金雀花 剪

秋羅 千日紅 秋海棠 萱草 蓮藕 枸杞 松

銀杏。桑椹。槐子。桐子。茶子。分栽紫荊。

凌霄。迎春。玫瑰。杜鵑。石榴。芭蕉。映山紅。

木筆。茴香。珍珠佩。木槿。笑靨兒。玉簪。菊。

秧。石竹。菖蒲。芙蓉。十姊妹。歐蘭。錦帶。柳。

壽李。甘露子。移植銀杏。海棠。桑。栗。梧。

桐。棗。槐。漆。蒲萄。雪梅堆。芙蓉。玉簪。蜀葵。

萱草。茶蘼。茱萸。草麻子。百合。望江南。餘。

正月 扦插 梔子。瑞香。蒲萄。梨。石榴。西河。

柳。木槿。芙蓉。貼接 桃。李。梅。杏。梨。海棠。

林檎。石榴。枇杷。紫荊花。木樨。山茶。桑。柚。

橘。金柑。栗。柿。棗。胡桃。麗條。茶。枳。枸杞。

槐。楮。桑。蒲萄。薔薇。樹。培壅 木樨。蒲萄。

橘。橙。櫻桃。澆灌 櫻桃。芍藥。牡丹。橘。瑞。

香。林檎。收採 筆管菜。馬蘭頭。人參。地。

黃。天門冬。白朮。

整頓去樹累架蒲萄

扶條幹。修溝渠築墻垣。

雜事造布浣

冬衣浴蠶車泥蠶室。社日以梓春百果

樹下結實不落。凡諸木茂而不實者。以

祭餘酒洒之。即生。月令廣義。鶩蟄日

以石灰搽門墻壁下。除諸般蟲蟻。製

用月令廣義。仲春採黃精根。九蒸九曝

搗如飴。作果食。可供客。久服輕身延年。

其苗為菜。一名仙人餘糧。二月丁亥。

日收。桃杏花陰乾。為末。戊子日和井水。

服方寸匕。日三服。療婦人無子。兼美容。

顏。山家清事。春秋仲月採百合根。暴

乾。搗羅和麪。作湯餅。家益血氣。又蒸熟。

可以佐酒。

彙考詩豳風四之日舉趾同我婦子饁
彼南畝田畯至喜禮記月令是月也
毋竭川澤毋漉陂池毋焚山林說文
卯冒也二月萬物冒地而出象開門之
形故二月為天門田家五行二月八
日俗謂張天帝生日前後必有風雨踰
為請客風送客雨正日謂之洗街雨初

十謂之洗廚雨道經二月八日為芳

春節夢溪筆談二月物生根魁故曰

天魁晁氏客話望杏而耕以杏花時

為耕候也成都古今記二月有花市

暇日記二月白蘋水歲華紀麗昔

巢氏時二月二乞得人子婦養之家便
大富後以此日出野田採蓬艾向門前

以祭之云迎富

驚蟄 易解卦天地解

而雷雨作雷雨作而百果草木皆甲拆

漢書五行志雷出地則長養華實發

揚隱伏宣盛陽之德 田家五行驚蟄

前後必有雷謂之發蟄 月令廣義驚

蟄茶東溪試茶錄建溪茶比他郡窠先

歲多暖則先驚蟄十日而芽歲寒則後

五日始發惟過驚蟄者窠為第一民間

以此為候 **春分** 淮南子天地之氣莫

大於和和者陰陽調日夜分而生物春

分而生秋分而成生之與成必得和之

精 荆楚歲時記春分日民並種戒火

草於屋上有鳥如鳥先雞而鳴架架格

格民候此鳥則入田以為候 王褒僮

約二月春分被隄杜疆落乘披梭種瓜

作瓠別茄披蔥集韻鷓鴣鳥名春分

鳴則衆芳生秋分鳴則衆芳歇服虔曰

鷓鴣一名鷓即伯勞也社禮記月令

擇元日命民社注元日甲日之善者社

后土也使民祀焉神其農業也周禮

疏春社以祈膏雨望五穀豐熟臞仙

神隱社日祭五穀之神考經緯社土

地之主也土地潤不可盡祭故封土為

社以報功也提要錄社翁祈雨不食

舊水故社日必有雨謂社翁雨陸龜蒙

詩幾點社翁雨一番花信風賈氏談

錄俗傳社日喫酒治耳聾墨莊漫錄

今人閨房遇春秋社日不作組紉謂之

忌作張籍詩今朝社日停針線史記
陳丞相世家里中社平為宰分肉甚均
父老曰善乎陳孺子之為宰也平曰使
我得宰天下亦如是肉矣北史李士
謙傳士謙宗族豪盛二社會飲飲醉喧
嘩至士謙所盛饌盈前先設黍曰孔子
稱黍為穀之長首卿亦云食先黍稷寧

可違乎少長肅然退相謂曰既見君子
方覺吾徒不德月令廣義社前茶學
林新編茶之佳者造在社前其次火前
其下雨前火前謂寒食前雨前謂穀雨
前花朝提要錄二月十五日為花朝
翰墨記洛陽風俗以二月二日為花
朝節士庶遊玩又為撷菜節誠齋詩

話東京二月十二日曰花朝為撲蝶會

熙朝樂事二月十五為花朝節蓋花

朝月夕世俗恒言二八兩月為春秋之

中故以二月為花朝八月為月夕也

壺中贅錄閩中以二月二日為踏青節

蜀中以為踏草節宣府志宣府花朝

節村民以五穀瓜果種相遺謂之獻生

節城中婦女剪絲為花插之鬢髻以為應

麗藻 五言律詩

仲春郊外

唐王勃

東園垂柳徑西堰落花津物色連三月
風光絕四鄰鳥飛村覺曙魚戲水知春
初晴山院裏何處染鴛塵

春村

白居易

二月村園暖，桑間戴勝飛。
農夫春舊穀，蠶妾擣新衣。
牛馬因風遠，雞豚過社稀。
黃昏林下路，鼓笛賽神歸。

二月吟

宋邵雍

林下故無知，唯知二月期。
酒嘗新熟後，花賞半開時。
只有醺酣趣，殊無爛熳悲。

誰能將此景，長貯在心脾。

今朝當社日

戴復古

今朝當社日，明日是花朝。
佳節惟宜飲，東池適見招。
綠深楊柳重，紅透海棠嬌。
自笑鬢邊雪，多年不肖消。

七言律詩

二月二日

唐李商隱

二月二日江上行，東風日暖聞吹笙。花
鬢柳眼各無賴，紫蝶黃蜂俱有情。萬里
憶歸元亮井，三年從事亞夫營。新春莫
悟遊人意，更作風簷夜雨聲。

乙酉社日偶題

宋楊萬里

愁邊節裏兩相關，茶罷呼兒檢曆看。社
日雨多晴較少，春風晚暖曉猶寒。也知

散策郊行去，其奈綠谿路未乾。綠暗紅
明非我事，且尋野蕨作蔬盤。

社日僧舍風雨

劉宰

借蔬香積共晨炊，客裏良辰總不知。孺
子從渠均胙肉，南翁無處聽巴調。神鴉
得志飽終日，巢燕無心來及時。風雨聒
人聾轉甚，半鍾濁酒可能治。

社日

明
甘
瑾

楓樹林邊雨脚斜，兒童祈賽競喧嘩。
雞豚上戊家家酒，鶯燕東風處處花。
野徑歸時扶醉客，叢祠祭罷集神鴉。
湖生意愁多潦，預祝汀邪載滿車。

仲雪見示花朝詩，依韻奉和。

錢謙貞

春色平分已自奢，今朝風物更鮮華。
山因綠柳常含雨，天爲紅旌不放霞。
芳草齊時看寶馬，好風多處見香車。
殘天有事君知否，要乞輕陰為養花。

七言絕句

二月二日

唐
白居易

二月二日新雨晴，草芽菜甲一時生。
輕

衫細馬春，年少十字津頭一字行。

吳楚歌詞

張籍

庭前春鳥啄林聲，紅夾羅襦縫未成。今朝社日停針線，起向朱櫻樹下行。

社日，村居

張演

鷺湖山下稻梁肥，豚柵雞棲對掩扉。柵影斜春社散，家家扶得醉人歸。

南浦

宋王安石

南浦東岡二月時，物華撩我有新詩。含風鳥綵粼粼起，弄日鷺黃裊裊垂。

觀化

黃庭堅

竹筍纔生黃犢角，蕨芽初長小兒拳。試尋野菜炊香飯，即是江南二月天。

社日，獨坐

范成大

海棠雨後沁燕脂，楊柳風前燃綠絲。香篆結雲深院靜，去年今日燕來時。

花朝

明王衡

晴煙膏露若為容，躑躅香苞望曉紅。莫怨五更風色惡，開花原是落花風。

花朝

湯顯祖

妒花風雨怕難銷，偶逐晴光撲蝶遙。一

半春隨殘夜醉，却言明日是花朝。

林園月令卷一

林園月令

卷一

四五一

